



Vatnsveita Hafnarfjarðar
Norðurhelli 2
221 HAFNARFIRÐI

Kópavogi , 17.05.2015
1505001 PG

Efni: Beiðni um tilnefningu fulltrúa Vatnsveitu Hafnarfjarðar í samráðshóp um vatnsvernd og vatnsnýtingu á höfuðborgarsvæðinu

Á fundi stjórnar SSH hinn 1. desember 2014 var samþykkt að setja á laggirnar sérstakan samráðshóp um vatnsvernd og vatnsnýtingu á höfuðborgarsvæðinu, á grundvelli nýrrar afmörkunar vatnsverndar fyrir höfuðborgarsvæðið.

Samþykkt stjórnar SSH gerir ráð fyrir að í hópnum eigi sæti:

Formaður svæðisskipulagsnefndar höfuðborgarsvæðisins
Formaður framkvæmdastjórnar vatnsverndar á höfuðborgarsvæðinu
Fulltrúar frá vatnsveitum sveitarfélaganna á höfuðborgarsvæðinu

Erindisbréf samráðshópsins fylgir hjálagt, ásamt greinargerð.

Þar sem fyrir liggur að öll aðildarsveitarfélög að sameiginlegri vatnsvernd fyrir höfuðborgarsvæðið hafa nú samþykkt tillögu að nýrri vatnsvernd fyrir höfuðborgarsvæðið liggur fyrir að kalla eftir fulltrúm í samráðshópinn í samræmi við ofanritað

Hér með er því óskað eftir því að Vatnsveita Hafnarfjarðar tilnefni sinn fulltrúa í hópinn sem fyrst. Gert er ráð fyrir að samráðshópurinn verði kallaður saman til fyrsta fundar fyrir loka þessa mánaðar.

Virðingarfyllst,

Páll Guðjónsson
framkvæmdastjóri SSH

Hjálagr: Erindisbréf samráðshóps um vatnsvernd og vatnsnýtingu á höfuðborgarsvæðinu.



Erindisbréf samráðshóps um vatnsvernd og vatnsnýtingu á höfuðborgarsvæðinu.

„Stjórn SSH samþykkir að stofnaður verði sérstakur samráðshópur um vatnsvernd og vatnsnýtingu innan sameiginlegra vatnsverndarsvæða höfuðborgarsvæðisins. Samráðshópurinn myndi fulltrúar frá eftirtöldum aðilum:

Svæðisskipulagsnefnd höfuðborgarsvæðisins (formaður svæðisskipulagsnefndar)
Formaður framkvæmdastjórnar vatnsverndar á höfuðborgarsvæðinu
Fulltrúar frá vatnsveitum sveitarfélaganna á höfuðborgarsvæðinu

Gert er ráð fyrir að samráðshópurinn eigi, eftir því sem þörf krefur, samtal og samráð við Vegagerðina, viðbragðsaðila (SHS), rekstraraðila innan vatnsverndarsvæðanna (Skíðasvæðin, Þríhnjúkar, skógrækt) og aðliggjandi sveitarfélög (Ölfus, Grindavík)

Starf hópsins er vistað á skrifstofu SSH.

Hlutverk hópsins:

- Að tryggja nauðsynlega yfirsýn yfir þau mál og viðfangsefni sem lúta að vatnsvernd höfuðborgarsvæðisins og verkefnum sem henni tengjast á hverjum tíma.
- Að tryggja samstillingu þeirra aðila sem bera ábyrgð á vatnsvernd og vatnsnýtingu innan vatnsverndarsvæða höfuðborgarsvæðisins, m.a. í samræmi við lögboðnar skyldur sveitarfélaganna, heilbrigðiseftirlits og veitna.

Í þessu sambandi skal m.a. horft til þeirra aðgerða sem tilgreindar eru í 3. kafla nýs svæðisskipulags fyrir höfuðborgarsvæðið:

Svæðisskipulagsnefnd og SSH

4.4.1 Svæðisskipulagsnefnd viðheldur, í samvinnu við framkvæmdastjórn vatnsverndar, kortagrunni yfir samþykkt vatnsverndarsvæði og önnur áhrifasvæði vatnsbóla.

4.4.2 Svæðisskipulagsnefnd upplýsir vatnsveitur um breytingar á mannfjöldaspám við gerð fjögurra ára þróunaráætlunar og leitar eftir sameiginlegu mati á bestu nýtingu auðlindarinnar.

4.4.3 SSH leitar leiða til að auka samvinnu vatnsveitna við að tryggja að íbúar á höfuðborgarsvæðinu eigi alltaf kost á ómeðhöndluðu vatni jafnvel þótt óhapp verði í einhverju vatnsbóli.

4.4.4 SSH vinnur með framkvæmdastjórn vatnsverndar að aukinni samræmingu eftirlits og viðbragðsáætlana á vatnsverndarsvæðum. Skilgreina þarf vegi og samgöngur um vatnsverndarsvæði sérstaklega m.t.t. hættumats.

4.4.5 Svæðisskipulagsnefnd vinnur með sveitarfélögum og framkvæmdastjórn vatnsverndar að skilgreiningu á mannvirkjabelti um vatnsverndarsvæðin. Stefna ber að því að öll umfangsmikil mannvirki sem fela í sér hættu á mengun séu inni á skilgreindu mannvirkjabelti til að stuðla að markvissari mótvægisáðgerðum og viðbrögðum við mengunaróhöppum. Lega mannvirkjabeltis skal bundin í svæðisskipulag höfuðborgarsvæðisins þegar hún liggur fyrir með breytingu eða endurskoðun sbr. töflu 3.

Aðildarsveitarfélög og byggðasamlög

4.4.6 Sveitarfélögin innleiða mörk vatnsverndarsvæða og reglur heilbrigðissamþykktarinnar í sínar skipulagsáætlanir og vinna að því að markmiðum vatnsverndar verði ekki ógnað með landnotkun eða starfsemi innan vatnsverndarsvæða.

4.4.7 Sveitarfélögin taki mið af skilgreindu mannvirkjabelti á vatnsverndarsvæðum í sínum skipulagsáætlunum og við veitingu framkvæmdaleyfa.

4.4.8 Vatnsveitur sveitarfélaganna leiti leiða til að koma á hringtengingu í neysluvatnskerfinu þannig að hægt sé að veita vatni frá mismunandi vatnsbólum til einstakra staða í dreifikerfinu.

4.4.9 Sveitarfélög, vatnsveitur og framkvæmdastjórn vatnsverndar vinna áætlun um viðhald rennslislíkans með það að markmiði að ákvarða með kerfisbundnum hætti hvar helst skuli bera niður við mælingar og aðra upplýsingaöflun til að treysta frekar stoðir við skipulag vatnsverndar til framtíðar.

4.4.10 Sveitarfélögin og framkvæmdastjórn vatnsverndar meti þörf fyrir ákvæði um staðsetningu bílastæða á Heiðmerkursvæðinu og lokun vega sé þeim ekki viðhaldið þar sem akstur um þá skapi of mikla hættu vegna verndunar vatnsgæða auk annarra takmarkana á umferð.

Aðkoma og aðgerðir annarra

4.4.11 Vegagerðin vinni í samvinnu við sveitarfélögin að mótvægisáðgerðum og reglubundinni vöktun á mengun frá vegum innan vatnsverndarsvæða. Sérstaka áherslu þarf að leggja á mótvægisáðgerðir á Suðurlandsvegi og Bláfjallavegi.

4.4.12 Landsnet taki mið af skilgreindu mannvirkjabelti við hönnun og lagningu háspennulína. Unnið verði að því að núverandi háspennulínur flytjist á mannvirkjabeltið þegar kemur að eðlilegri endurnýjun

Þannig samþykkt á fundi stjórnar SSH 1. desember 2014

Páll Guðjónsson
Framkvæmdastjóri SSH

Greinargerð með tillögu til stjórnar fyrir stjórnarfund 1. desember 2014:

Á fundi stjórnar SSH hinn 3. júní 2013 var eftirfarandi bókað og samþykkt:

Þar sem fyrir liggur að nú er unnið að nokkrum sértækum greiningar- og rannsóknarverkefnum sem snerta vatnsverndarsvæðin, og sömuleiðis liggur fyrir að meta möguleika á tiltekinni starfsemi innan þeirra, þá telur stjórn SSH nauðsynlegt að mótaður verði vettvangur þar sem til staðar verði full yfirsýn yfir þau mál er lúta að vatnsvernd höfuðborgarsvæðisins og þeim verkefnum sem henni tengjast á hverjum tíma.

Stjórnin felur því framtíðarhópi SSH að fá yfirsýn yfir stöðu mála og móta tillögu að þeim vettvangi, þannig að hann verði til staðar þegar niðurstöður grunnrannsókna Vatnaskila sbr. hér að ofan liggja fyrir í haust.

Ofangreind tillaga er í samræmi við þessa bókun stjórnar SSH, og liður í því að tryggja úrvinnslu og eftirfylgni í samræmi við þá stefnu sem fram kemur í 3. kafla nýs svæðisskipulags höfuðborgarsvæðisins, en þar segir:

„Markmið 4.4

Á höfuðborgarsvæðinu verði ávallt nægt framboð að hreinu ómeðhöndluðu drykkjarvatni með markvissri vernd vatnsbólana og aukinni samræmingu við nýtingu auðlindarinnar.

Stuðla verður að hámarkshollustu neysluvatns á höfuðborgarsvæðinu til framtíðar með því að koma í veg fyrir óæskileg áhrif af völdum athafna, starfsemi og umsvifa á vatnsverndarsvæðum vatnsbólana á svæðinu. Með því verður tryggt að íbúar höfuðborgarsvæðisins hafi alltaf þau lífsgæði að geta gengið að hreinu ómeðhöndluðu neysluvatni vísu. Neysluvatnsauðlindin er sameiginleg fyrir mest allt höfuðborgarsvæðið. Mikilvægt er að auka samstarf um nýtingu auðlindarinnar og vinna að aðgerðum sem stuðla að auknu öryggi neytenda (Fylgirit 2). Sameiginleg vernd er á neysluvatnsbólum sem þjóna borgarbyggðinni og birtist hún í heilbrigðissamþykkt (Fylgirit 2). Sveitarfélögin verða að innleiða mörk vatnsverndarsvæða og reglu samþykktarinnar í sínar aðalskipulagsáætlanir. Áhrifasvæði vatnsbólana ná út fyrir lögsögumörk höfuðborgarsvæðisins. Nauðsynlegt er að eiga samráð við sveitarfélagið Ölfus og Grindavíkurbæ um möguleg áhrif landnýtingar og framkvæmda innan skilgreindra svæða á neysluvatn höfuðborgarsvæðisins.

Ýmis mannvirki eru á vatnsverndarsvæðum, þar er m.a. einn fjölfarnasti þjóðvegur landsins, Suðurlandsvegur. Þar er einnig Bláfjallavegur sem liggur að stærsta skíðasvæði höfuðborgarsvæðisins og ferðamannasvæði við Þríhnúka. Huga þarf að mengunarvörnum við hönnun og endurgerð vega innan vatnsverndarsvæða til að draga úr líkum á olíumengun vegna umferðar. Einnig þarf að grípa til viðeigandi mótvægisáðgerða þar sem hættu er á útafakstri (Fylgirit 2).

Nær brunnsvæðum á megin vatnstökusvæði höfuðborgarsvæðisins eru vegir sem liggja m.a. að skipulögðum útivistarsvæðum, skógræktarsvæðum, frístundabyggð og brunnsvæðum. Einnig eru á vatnsverndarsvæðum háspennulínur og áform uppi um að endurnýja þær. Skilgreint verður mannvirkjabelti um vatnsverndarsvæðin með það að markmiði að öll umfangsmikil mannvirki sem fela í sér hættu á mengun séu innan þess. Með því er stuðlað að mótvægisáðgerðum og viðbrögð við mengunaróhöppum verði markvissari.

Huga þarf að mengunarvörnum við hönnun og endurgerð vega innan vatnsverndarsvæða til að draga úr líkum á olíumengun vegna umferðar. Einnig þarf að grípa til viðeigandi mótvægisáðgerða þar sem hættu er á útafakstri. Stefnt er að því að háspennulínum innan höfuðborgarsvæðisins verði ekki fjölgað og frekar horft til þess að leggja háspennustrengi í jörðu eða auka flutningsgetu núverandi háspennulína með hærri spennu. Skipulagsáætlanir sveitarfélaga verða að taka mið af ákvæðum vatnsverndar um viðhald og frágang vega, vegrið ofan brunnsvæða og fjarlægð bílastæða frá brunnsvæðum.“